

**Հ Ա Յ Տ Ա Ր Ա Ր ՈՒ Թ Յ ՈՒ Ն**

**ՀՈԳԵԲԱՆԱԿԱՆ ՄԱՍՆԱԳԻՏԱՑՎԱԾ ԾԱՌԱՅՈՒԹՅՈՒՆՆԵՐ ՄԱՏՈՒՑԵԼՈՒ ՄՐՑՈՒՅԹ ՀԱՅՏԱՐԱՐԵԼՈՒ ՎԵՐԱԲԵՐՅԱԼ**

Հայտարարության սույն տեքստը հաստատված է ՀՀ գլխավոր հարկադիր կատարողի 04.06.2020թ. № 523 հրամանով հաստատված մրցութային հանձնաժողովի 21.10.2020թ. որոշմամբ:

Պատվիրատու Հարկադիր կատարումն ապահովող ծառայությունը (այսուհետ՝ Ծառայություն) հայտարարում է երեխաների տեսակցությունների կազմակերպման կամ երեխաներին մեկ ծնողից մյուսին հանձնման վերաբերյալ Ծառայությունում հարուցված կատարողական վարույթներով հոգեբանական մասնագիտացված ծառայություններ մատուցելու մրցույթ:

Մրցույթին մասնակցելու հայտ կարող է ներկայացնել ցանկացած անձ, ով ունի նշված ծառայությունները մատուցելու համար սահմանված կարգով ստացված իրավասությունը հավաստող փաստաթուղթ:

Հայտերը պետք է ներառեն *դիմում, անձի պերսոնալ գրանցման վկայականի պատճեն, հոգեբանական ծառայություններ մատուցելու իրավասությունը հավաստող փաստաթուղթ, իր կողմից նախկինում կատարված նմանատիպ աշխատանքների մասին տեղեկատվություն, Երևան քաղաքում և ՀՀ մարզերում աշխատանքների օպերատիվ կազմակերպման հնարավորության մասին հակիրճ տեղեկանք, ինչպես նաև մատուցվող ծառայությունների գնի վերաբերյալ առաջարկություն: Մրցույթի հայտը ներկայացվում է անձի կողմից՝ ստանձնված և ստորագրված փակ ծրարով, որի դիմերեսին պետք է գրված լինի «Չբացել մինչև հայտերի բացման օրը»:*

Մրցույթի հայտերն անհրաժեշտ է ներկայացնել Մրցութային հանձնաժողովին՝ Ծառայության Ընդհանուր բաժնի միջոցով ք.Երևան, Հալաբյան 41ա հասցեով մինչև 23.11.2020թ.՝ ժամը 18:00-ն: Դրանք պետք է կազմված լինեն հայերեն: Հայտերը կբացվեն 27.11.2020թ.՝ ժամը 17:00-ին: Մրցույթի մասնակիցները և նրանց ներկայացուցիչները կարող են ներկա գտնվել մրցույթի հայտերի բացման, ինչպես նաև մրցույթի հայտերի ամփոփման նիստերին:

Մրցույթի հաղթող կճանաչվի մրցույթի պայմաններին բավարարող և նվազագույն գնային առաջարկ ներկայացրած մասնակիցը:

Մրցույթում հաղթող ճանաչված մասնակցին կառաջարկվի մեկ տարի ժամկետով կնքել Ծառայության Երևան քաղաքի և մարզային բաժինների կողմից հարուցված կատարողական վարույթներով հոգեբանական մասնագիտացված ծառայությունների մատուցման պայմանագիր:

**ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅՈՒՆ**

## ԱՐՁԱՆԱԳՐՈՒԹՅՈՒՆ 2

Հոգեբանական մասնագիտացված ծառայություններ մատուցող անձանց մրցույթում հաղթող ճանաչելու մասին

ք. Երևան

23.12.2020թ.

ՀՀ գլխավոր հարկադիր կատարողի 04.06.2020թ. № 523 հրամանով ստեղծված մրցութային հանձնաժողովը ուսումնասիրելով 2020 թվականի հոկտեմբերի 22-ին «Հայաստանի Հանրապետություն» օրաթերթում հրապարակված մրցութային մասնակցելու համար ներկայացված հայտը

### Ո Ր Ո Շ Ե Ց

Մրցութի հաղթող ճանաչել «Երանգ-Արտ ստուդիո» ՍՊԸ-ին:

Հարկադիր կատարումն ապահովող ծառայությունը (այսուհետ՝ նաև Կազմակերպիչ) պարտավորվում է սույն արձանագրությունը ստորագրելուց հետո մեկ ամսվա ընթացքում հաղթողի հետ կնքել ծառայությունների մատուցման պայմանագիր:

**ԿԱԶՄԱԿԵՐՊԻՉ՝**

Հարկադիր  
կատարումն ապահովող ծառայություն

**ՀԱՂԹՈՂ՝**

«Երանգ-Արտ ստուդիո» ՍՊԸ

ՀՀ գլխավոր հարկադիր կատարողի տեղակալ

Տնօրեն՝

 Ա. Կարախանյան

 Փ. Պարթև



# ԱՐՁԱՆԱԳՐՈՒԹՅՈՒՆ 1

## Հոգեբանական մասնագիտացված ծառայություններ մատուցելու մրցույթի հայտերի ուումնասիրման արդյունքների վերաբերյալ

ք . Երևան

28.06.2019թ.

Սույն թվականի նոյեմբերի 27-ին, ժամը 17<sup>00</sup> անցկացվեց ՀՀ գլխավոր հարկադիր կատարողի 04.06.2020թ. № 523 հրամանով հաստատված՝ հոգեբանական մասնագիտացված ծառայություններ մատուցող անձանց ընտրության մրցույթային հանձնաժողովի նիստ:

Նիստն իրավագոր է, քանի որ վերը նշված հրամանով հաստատված հանձնաժողովի 5 անդամներից 5-ը ներկա են:

2020 թվականի հոկտեմբերի 22-ին «Հայաստանի Հանրապետություն» օրաթերթում հրապարակվել է հայտարարություն հոգեբանական մասնագիտացված ծառայություններ մատուցելու մրցույթի կազմակերպման մասին:

Մինչև հայտարարության մեջ նշված վերջնաժամկետը՝ 23 նոյեմբերի 2020թ-ի ժամը 18<sup>00</sup>, ծառայությունում ստացվել են հայտեր թվով 2 կազմակերպություններից՝

1. «Երանգ-Արտ ստուդիո» ՍՊԸ,
2. «ՄԱՆԴԱԼԱ» հոգեբանական կենտրոն Հ/Կ

որոնք, ըստ հայտերի ներկայացման հերթականության՝ գրանցվել են համապատասխան գրանցամատյանում, իսկ ստացված ծրարների վրա կատարվել է «Չբացել մինչև մրցույթի հայտերի բացման նիստը» գրառումը:

Մրցույթի հայտերի բացման նիստի ընթացքում, ըստ ստացման հերթականության, հանձնաժողովի քարտուղարի կողմից բացվեցին հայտ ներկայացրած կազմակերպությունների փաթեթները և քննության առնվեցին փաթեթներում ներկայացված փաստաթղթերը:

Նիստին մասնակցում էին նաև հայտ ներկայացրած կազմակերպությունների ներկայացուցիչները «ՄԱՆԴԱԼԱ» հոգեբանական կենտրոն Հ/Կ-ի նախագահ Նարինե Ստեփանյանը և Սոնյա Հակոբյանը «Երանգ-Արտ ստուդիո» ՍՊԸ-ի փորձաքննության բաժնի համակարգող:

Մրցույթի մասնակից կազմակերպությունների ներկայացված փաստաթղթերը ուումնասիրելուց պարզվեց, որ երկու մասնակիցների հայտերը համապատասխանում են հայտարարությամբ ներկայացված պահանջներին: Նիստին մասնակցող ներկայացուցիչներից որոշ հարցադրումների պատասխանները ստանալուց հետո հանձնաժողովի նախագահը ձայն տվեց հանձնաժողովի անդամներին, որոնք ներկայացրեցին իրենց կարծիքները մրցույթին մասնակցող կազմակերպությունների կողմից ներկայացված առաջարկների վերաբերյալ:

Հանձնաժողովի անդամների կարծիքները ամփոփելու նպատակով՝ ըստ ներկայացման հերթականության, քվեարկության դրվեց լավագույն առաջարկ ներկայացրած կազմակերպությունը որոշելու հարցը: Քվեարկության արդյունքում միաձայն մրցույթի հաղթող ճանաչվեց «Երանգ-Արտ ստուդիո» ՍՊԸ-ին:

Հանձնաժողովի նախագահ՝



Ա. Կարախանյան

Հանձնաժողովի անդամներ՝



Ա. Աֆյան



Իս. Իգիթյան



Ն. Մարգարյան



Ա. Նազարյան

Հանձնաժողովի քարտուղար՝

**ԾԱՌԱՅՈՒԹՅՈՒՆՆԵՐԻ ՄԱՏՈՑՄԱՆ  
ՊԱՅՄԱՆԱԳԻՐ**

ք. Երևան

« 23 » դեկտեմբերի 2020թ.

Հարկադիր կատարումն ապահովող ծառայությունը (այսուհետ՝ Պատվիրատու)՝ ի դեմս ծառայության գլխավոր քարտուղարի պաշտոնակատար Գագիկ Միրիջանյանի, մի կողմից, և <Երանգ-Արտ ստուդիո> ՍՊԸ ի դեմս տնօրեն Փ.Պարթևի (այսուհետ՝ Կատարող)՝ մյուս կողմից (այսուհետ՝ միասին նաև Կողմեր, իսկ առանձին առանձին՝ Կողմ) կնքեցին սույն պայմանագիրը (այսուհետ՝ Պայմանագիր) հետևյալի մասին:

**1. Պայմանագրի առարկան**

1.1 Կատարողը պարտավորվում է Պատվիրատուի որոշումներին և հանձնարարություններին համապատասխան մատուցել հոգեբանական փորձագիտական, դիագնոստիկ և խորհրդատվական ծառայություններ այսուհետ՝ «Ծառայություններ», իսկ Պատվիրատուն պարտավորվում է Պայմանագրով նախատեսված կարգով ընդունել Ծառայությունների արդյունքը և վճարել դրա համար:

1.2 Ծառայությունները մատուցվում են Պայմանագիրն ուժի մեջ մտնելուց հետո 1 (մեկ) տարվա ընթացքում:

**2. Կողմերի իրավունքները և պարտականությունները**

**2.1 Պատվիրատուն իրավունք ունի՝**

2.1.1 Անձամբ կամ համապատասխան մասնագետների (մասնագիտացված կազմակերպության) ներգրավմամբ հսկողություն իրականացնել Ծառայության մատուցման ընթացքի և որակի, դրա՝ ժամկետների պահպանման, Պատվիրատուի կիրառած տեխնոլոգիաների, մեթոդաբանության, Պատվիրատուի հանձնարարությունների և ՀՀ օրենսդրությամբ սահմանված նորմերի պահանջների կատարման նկատմամբ:

2.1.2 Մինչև Պատվիրատուի կողմից Կատարողի մատուցած Ծառայությունների արդյունքն ընդունելը, պահանջել իրեն հանձնելու անավարտ Ծառայությունների արդյունքը՝ Պայմանագիրն օրենքով կամ Պայմանագրով նախատեսված հիմքերով դադարեցնելու դեպքում:

**2.2 Պատվիրատուն պարտավոր է՝**

2.2.1 Աջակցել Կատարողին Պայմանագրով նախատեսված դեպքերում, ծավալով և կարգով:

2.2.2 Պայմանագրով նախատեսված ժամկետում և կարգով և ընդունել մատուցված Ծառայությունները (դրա արդյունքը), իսկ Ծառայությունների արդյունքը վատթարացնող շեղումներ կամ այլ թերություններ հայտնաբերելու դեպքերում՝ այդ մասին անհապաղ հայտնել Կատարողին:

2.2.3 Պայմանագրի գործողության ընթացքում մատուցված Ծառայությունների արդյունքն ընդունելու դեպքում հաստատված հանձնման-ընդունման ակտի և հաշիվ-ապրանքագրի հիման վրա Կատարողին վճարել Պայմանագրի 5.1 կետով նախատեսված վարձատրությունը:

**2.3 Կատարողն իրավունք ունի՝**

2.3.1 Պայմանագրի համաձայն Ծառայությունները մատուցելու դեպքում Պատվիրատուից պահանջել վճարելու Պայմանագրի 5.1 կետով նախատեսված՝ վարձատրությունը:

2.3.2 Պատվիրատուի համաձայնությամբ Ծառայությունների մատուցումն ավարտել նախատեսված ժամկետից շուտ:

2.3.3 Ծառայությունները մատուցելիս իր հայեցողությամբ ընտրել և կիրառել Ծառայությունների մատուցման համար անհրաժեշտ արդիական տեխնոլոգիաներ, մեթոդներ և միջոցներ:

#### **2.4 Կատարողը պարտավոր է՝**

2.4.1 Ծառայությունները մատուցել պատշաճ որակով, կատարել Ծառայությունների մատուցման վերաբերյալ Պատվիրատուի և/կամ նրա կողմից լիազորված անձի տված ցուցումները:

2.4.2 Չտարածել Ծառայությունների մատուցման ընթացքում իրեն հայտնի դարձած ծառայողական, առևտրային, բանկային և/կամ այլ գաղտնիք հանդիսացող տեղեկատվությունը:

2.4.3 Պատվիրատուին ժամանակին տրամադրել լիարժեք, ամբողջական, հավաստի և մատչելի տեղեկատվություն Ծառայությունների վերաբերյալ:

2.4.4 Ծառայությունները մատուցելիս կիրառել ժամանակակից տեխնոլոգիաներ, մեթոդներ և միջոցներ:

2.4.5 Անհապաղ տեղեկացնել Պատվիրատուին Ծառայությունների մատուցման ընթացքում նկատած խնդիրների և ծագած խոչընդոտների մասին:

2.4.6 Ծառայությունները մատուցել «Դատական ակտերի հարկադիր կատարման մասին» ՀՀ օրենքի 14-րդ հոդվածով սահմանված ժամկետում:

#### **3. Կատարողի կողմից Ծառայություններն են կատարելը**

3.1 Ծառայությունները մատուցվում են Կատարողի կողմից անձամբ՝ իր աշխատակիցների ուժերով և միջոցներով:

3.2 Պայմանագրի կատարման ընթացքում ենթակատարողի ներգրավումը կարող է իրականացվել միայն Պատվիրատուի գրավոր համաձայնությամբ:

3.3 Կատարողը պատասխանատվություն է կրում իր կողմից ներգրավված ենթակատարողի գործողությունների և անգործության համար:

3.4 Կատարողը պատասխանատվություն է կրում իր կիրառած մեթոդների և միջոցների որակի, անվտանգության և արդիականության համար:

#### **4. Ծառայությունների վերաբերյալ հաշվետվությունները**

4.1 Յուրաքանչյուր հանձնարարությունը կատարելուց հետո երեք աշխատանքային օրվա ընթացքում Կատարողը Պատվիրատուին է ներկայացնում փորձագիտական եզրակացություն և/կամ մասնագիտական կարծիք տվյալ հանձնարարության վերաբերյալ:

4.2 Կատարողը Պատվիրատուի պահանջով և/կամ սեփական նախաձեռնությամբ Ծառայությունների մատուցման վերաբերյալ ներկայացնում է նաև ընթացիկ հաշվետվություններ:

#### **5. Ծառայությունների գինը և վարձատրությունը**

5.1 Պայմանագրի գինը սահմանվում է ըստ մատուցված ծառայությունների քանակի, յուրաքանչյուր ամսվա ավարտից հետո մինչև հաջորդող ամսվա 5-րդ աշխատանքային օրը մատուցված ծառայությունների քանակի և գնի վերաբերյալ Պայմանագրի Հավելված 1-ով սահմանված երկկողմանի հաստատված ընդունման-հանձնման արձանագրության հիման վրա՝ Պայմանագրի 5.2 կետում նշված միավորի գնի համաձայն:

5.2 Կողմերի փոխադարձ համաձայնությամբ սույն պայմանագրով սահմանված Կատարողի կողմից մատուցվող ծառայության գինը Երևան քաղաքում և ՀՀ մարզերում կազմում է 40.000 (քառասուն հազար) ՀՀ դրամ յուրաքանչյուր ծառայության համար (Ծառայության արժեքը

ներառում է նաև տրանսպորտային ծախսերը, հարկերը, տուրքերը, օրենսդրությամբ սահմանված պարտադիր վճարները, ինչպես նաև նախաքննական, քննչական, դատական և այլ պետական և ոչ պետական մարմիններում կազմակերպության աշխատակիցների կողմից կանչով ներկայանալը: Ծառայության արժեքը չի փոփոխվում այլ ոլորտի մասնագետներ ներգրավելու պարագայում /մանկաբույժ, հոգեբույժ, արատաբան և այլն/):

5.3 Պայմանագրի գինը կայուն է և Կատարողն իրավունք չունի պահանջել ավելացնելու այդ գինը:

5.4 Պատվիրատուն վճարում է Հայաստանի Հանրապետության դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է 5.1 կետով սահմանված փաստաթղթի հիման վրա սահմանված կարգով դուրս գրված հաշիվ-ապրանքագրի հիման վրա 7 բանկային օրվա ընթացքում:

## **6. Կողմերի պատասխանատվությունը**

6.1 Կատարողը պատասխանատվություն է կրում Ծառայությունների որակի և նախատեսված ժամկետների պահպանման համար:

6.2 Կատարողի թերացման հիմքերով Պատվիրատուի կողմից Ծառայությունները չընդունվելու և Պայմանագիրը վաղաժամկետ լուծելու դեպքում Կատարողից գանձվում է տուգանք՝ Պայմանագրի 5.1 կետում նախատեսված գումարի 50 (հիսուն) տոկոսի չափով:

6.3 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

## **7. Պայմանագրի վաղաժամկետ լուծումը**

7.1 Պատվիրատուն կարող է ցանկացած պահի միակողմանիորեն վաղաժամկետ լուծել Պայմանագիրը՝ այդ մասին գրավոր ծանուցելով Կատարողին:

7.2 Պայմանագիրը համարվում է վաղաժամկետ լուծված Կատարողի ծանուցվելու պահից:

7.3 Կատարողը համարվում է պատշաճ ծանուցված, եթե ծանուցումն ուղարկվել է Պայմանագրում Կատարողի նշած հասցեով՝ նույնիսկ եթե որևէ պատճառով այն անձամբ վերջինիս կողմից չի ստացվել (և/կամ ետ է վերադարձվել Պատվիրատուին):

## **8. Անհաղթահարելի ուժի ազդեցությունը (ՖՈՐՍ-ՄԱԺՈՐ)**

Պայմանագրով ստանձնած պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների Ծառայությունների դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## **9. Վեճերի լուծման կարգը**

9.1 Պատվիրատուի և Կատարողի միջև Ծառայությունների թերությունների կամ դրանց պատճառների հետ կապված վեճ առաջանելու դեպքում ցանկացած կողմի պահանջով կարող է

նշանակվել փորձաքննություն, որի ծախսերը կրում է փորձաքննություն պահանջած կողմը, իսկ եթե փորձաքննությունը նշանակվել է երկու կողմերի համաձայնությամբ, ապա ծախսերը նրանց միջև բաշխվում են հավասարաչափ:

9.2 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումն իրականացվում է ՀՀ օրենսդրության համաձայն:

#### 10. Եզրափակիչ դրույթներ

10.1 Պայմանագիրն ուժի մեջ է մտնում Կողմերի ստորագրման պահից:

10.2 Պայմանագիրը կնքված է հավասար իրավաբանական ուժ ունեցող երկու օրինակից: Յուրաքանչյուր Կողմի տրվում է Պայմանագրի մեկ օրինակ:

10.3 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ նոր պայմանագիր կնքելու միջոցով, որը կհանդիսանա Պայմանագրի անբաժանելի մասը:

10.4 Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

### 9. Կողմերի հասցեները, բանկային վավերապայմանները և ստորագրությունները

#### Պատվիրատու

Հարկադիր կատարումն  
ապահովող ծառայություն

ՀՎՀՀ 01223338

900011288025

Կենտրոնական գանձապետարանի  
գործառնական վարչություն

Հասցե՝ ք. Երևան, Հալաբյան 41ա

Գլխավոր քարտուղարի  
պաշտոնակատար

Գ. Միրիջանյան



#### Կատարող

<Երանգ-Արտ ստուդիո> ՍՊԸ

ՀՎՀՀ 00108444

«Ամերիաբանկ» ՓԲԸ

Հ/Հ 1570017928760100

Հասցե՝ ք. Երևան, Բաղրամյան  
պողոտա 50

Փ. Պարթև



ԱՐՁԱՆԱԳՐՈՒԹՅՈՒՆ N°  
ՀԱՆՁՆՄԱՆ-ԸՆԴՈՒՆՄԱՆ

«\_\_» \_\_\_\_\_ 20\_\_ թ.

Պայմանագրի անվանումը՝ Գնահատման ծառայությունների մատուցման պայմանագիր

Պայմանագրի կնքման ամսաթիվը՝ «\_\_» \_\_\_\_\_ 2020թ.

Պայմանագրի համարը՝ N° \_\_\_\_\_ Պատվիրատուն՝ ի դեմս՝ Գլխավոր քարտուղարի և Կատարողը՝ ի դեմս ընկերության տնօրենի, հիմք ընդունելով, որ Պայմանագրով նախատեսված՝ ստորև նշված ծառայությունները (այսուհետև՝ աշխատանքներ) համապատասխանում են Պայմանագրին՝ կազմեցին սույն արձանագրությունը հետևյալի մասին.

Պայմանագրի շրջանակներում Կատարողը «\_\_» \_\_\_\_\_ 20\_\_ թ-ից «\_\_» \_\_\_\_\_ 20\_\_ թ. ընկած ժամանակահատվածում իրականացրել է հետևյալ ծառայությունները

Մատուցված Ծառայության անվանումը	Մատուցված ծառայության քանակական ցուցանիշը	Ծառայությունների կատարման ժամկետը	Վճարման ենթակա գումարը (հազար դրամ)	Վճարման ժամկետը
Ընդամենը				

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունն ընդունեց

Ծառայությունը հանձնեց

\_\_\_\_\_

ստորագրություն

\_\_\_\_\_

ստորագրություն

\_\_\_\_\_

Ազգանուն, Անուն

\_\_\_\_\_

Ազգանուն, Անուն

Կ.Տ.

Կ.Տ.

**Պատվիրատու**

**Հարկադիր կատարումն ապահովող**

**ծառայություն**

ՀՎՀՀ 01223338

900011288025

Կենտրոնական գանձապետարանի  
գործառնական վարչություն  
Հասցե՝ ք. Երևան, Հալաբյան 41ա

**Կատարող**

**<Երանգ-Արտ ստուդիո> ՍՊԸ**

ՀՎՀՀ 00108444

«Ամերիաքանկ» ՓԲԸ

Հ/Հ 1570017928760100

Գլխավոր քարտուղարի  
պաշտոնակատար

Հասցե՝ ք. Երևան, Բաղրամյան պողոտա 50

Գ. Միրիջանյան

Փ. Պարթև